



KOMMUNE KUJALLEQ

POSTBOKS 514 · 3920 Qaqortoq

Kommune Kujalleq d. 15. 6. 2010

Assartuussinermut Isumalioqatigiissitat takorluugaata tusarniaassutigineqarneranut akissut

Matumuuna Kommune Kujalleq Assartuussinermut Isumalioqatigiissitat takorluukkanik allakkiaanut tusarniaassutigineqartumut akissuteqarusuppoq.

Tusarniaanermut akissut Angallannermut ataatsimiititaliap aamma Inuussutissarsiornermut ataatsimiititaliap politikkikkut oqaluuserinikuuvaat.

Aallarniutigalugu Kommune Kujalliup iluarisimaarlugu nalunaarutigerusuppaa, Kujataa aamma Kujataani angallannermut ajornartorsiutaasut atuagassami nassiunneqartumi pingaanerit ilanngullugit allaaserineqarsimaneri.

Taakku saniatigut Kommunip pitsaasutut isigivaa Assartuussinermut Isumalioqatigiissitat allaaserisimammassuk Kujataani inuussutissarsiornermi unamminartut periarfissallu, aamma Inuussutissarsiutinik pilersaarutit taakkulu angallannermut attaveqarnermullu pingaaruteqassusiisa siunissami Angallannerup ilusilernerqarnissaanut eqqarsaatersuutitut ilanngunneqarsimammata.

Takku saniatigut kommunip pissutsit makku tikkuarusuppai:

Toqqaannartumik Atlantiku qulallugu attaveqarneq

Aallarniutigalugu kommunip paasitikkusuppaa, sulii **aalajangiilluinnartutut** isigigatsigu Kujataani toqqaannartumik Atlantiku qulaallugu attaveqarnerup periarfissaqartuaannarnissaa. Taamaattumik kommunip akuerisinnaangilluinnarpaa, takorluukkani taamaallaat ataasiinnarmik Nunatsinnut isaariaqarnissaa.

Kommune Kujalliup nalunaarutigerusuppaattaq Ålborg Lufthavn suleqatigalugu Ålborgip Kujataa-talu akornanni toqqaannartumik attaveqalernissap maanna pilersaarusiorneqarnera ingerlariinngaatsiarsimanera, attaveqarneq inuussutissarsiutillit aamma Nuummiit Nuummut atorsinnaasaat.

Kommunip marlunnik isaariaqarnissap attatiinnarneqarnissaanut uteriissaarutigisaanut pissutsit makku tunngavilersuutigineqarput:

Kujataani aatsitassarsiornermi inuussutissarsiornermi pilersaarutit annertuut pilersaarusiorneqarneranni aalajangiisuulluinnarpoq, nunap immikkoortuanut aqquut naammaginartuunissaa aamma ukiuni aggersuni aatsitassarsiornermi suliaqarnerup annertusineragut nunap immikkoortuaniit Atlantiku qulaallugu pisariaqartitsineq annertusiartortussaavoq. Taakku saniatigut misilitakkat ersarissumik takutippaat, immikkut aningaasaajarnartorujussuusoq aamma inuussutissarsiornerup ineriartornissaanut killilersuisorujussuusoq ilaasut Kujataaneersut Kangerlussuakkoortassappata.

Nunap immikkoortuani mittarfik, Qaqortoq

Kommunip iluarisimaarpaa, Assartuussinermut isumalioqatigiissitap suliaminik ingerlatitseqqinnermini Qaqortumi nunap immikkoortuani mittarfiliornissamut periarfissanik misissuiniarnera.

Tassunnga atatillugu pingaartillugu tikkuarusupparput, kissaatigineqanngimmat 1199 m takitigisumik mittarfiliortoqarnissaa, kisiannili mittarfik minnerpaamik takissuseqassasooq ullumikkut timmisartut Narsarsuarmut mittartut angeqataannik – minnerunngitsumillu aamma siunissami Atlantiku qulaallugu attaveqarnerup qulakkeerneqarnissaa, innuttaasunut, inuussutissarsiutilinnut takornariartitsisunullu pisariaqartumik inissanik naammattumik.

Taamatuttaaq kommunip isumakuluutigeqaa mittarfiup 1199 m takissusillip nassatarisaanik billitsit akisunerulernissaat ilaasut Kangerlussuakkoorlutik Kujataaliartaraneranni.

Qaqortumi nunap immikkoortuani mittarfiliornermut atatillugu, kommunip tikkuarpaa, mittarfinnut periarfissanik naliliineq taamaallaat pimmat timmisartukkut angallanneq kisiat tunngavigalugu. Kommune Kujallermut Qaqortup eqqaani mittarfiup inissinnissaanut aamma ilaavoq Qaqortup Narsallu akornanni aqqusinikkut/imaatigut attaveqarnissaq. Mittarfimmut taamaattumik aqquserngiornerup akilersinnaassusia taamaalilluni annertusineqassaaq, aqqut taanna aqqusernikkut attaveqarnermut aamma atorneqarsinnaappat.

Kommunilli paasisimavaa, amigaateqartoqannguatsiarmat suliffeqarnermut sunniutigisaanut taasumalu aningaasarsiutaaneranut tunngatillugu mittarfiup Narsarsuarmiit Qaqortumut nuunneqarnerani, tamannalu sukumiinnerusumik misissorneqartariaqarpoq. Tamatumani pineqarput oqaaseqaatit qupperneq 45-miittut, tassani tunngavigineqarpoq Narsarsuarmi sulisut Qaqortumi sulinissaminnut neqeroorfigineqarnissaat. Narsarsuarmi Mittarfiup malitsigisaanik 140 missaanik amerlassusilinnik atorfeqartoqarpoq, aamma qularnaateqassaaq nunap immikkoortuani mittarfik taamak amerlatigisunik sulisoqarnissaa. Taakku saniatigut aamma misissorneqartariaqarpoq, Qaqortumut nuussinerimi inissaqarniarnermut pisariaqartitsineq aningaasalersuinissarlu sunik nassaqaassanersut.

Aalaakkaasumik miffigineqarsinnaanerani naatsorsuinerit nunap immikkoortuani pissutsinut naleqquttumik naatsorsorneqarsimasutut isigaavut.

Kommunip kissaatigaa Narsarsuup mittarfiata assartuinermit attatiinnarneqarnissaanik periarfissat, minnerunngitsumik aatsitassarsiornermi pilersaarutinut, tamannalu sukumiinnerusumik misissorneqartariaqarpoq.

Kiisalu kommunip oqaatigerusuppaa, piffissaq nunap immikkoortuani mittarfeqalernissap tungaanut Narsarsuup atorneqarnerata allanngortinneqannginnissaanik pisariaqartitsineq, taamaalilluni inuussutissarsiornermut takornariaqarnermullu annaasaqaataassanani.

Heliportinut taarsiullugit mittarfiit pisariunngitsut

Periarfissat allattorsimaffianni erseqqissarneqarput mittarfiit pisariunngitsut Narsami Nanortalimmi-lu heliportinut taartaasinnaasut. Maannakkuugallartoq tassunga tunngatillugu kommuni taasasaqanngilaq, periarfissarli erseqqissartikkusullugu.

Takornariaqarneq

Kommunip paasivaa, assartuussinermit isumalioqatigiissitat maluginiarsimagaat, takornariartitsinermik inuussutissarsiutilinnut timmisartukkut bilitsit akiisa 33% tikillugu 2008-mi qaffariaateqarsimanerisa annertuumik kingunerlutsitsivigisimagaat.

Aammattaaq assartuussiinermit isumalioqatigiissitat paasivaa, akinik 1.000,- koruuninik qaffariaaqinnissaq – angallannerup ataasiinnarmik isaaffilerneragut pisortanit tapiiffigineqanngitsumik takornariaqarnermut pingaaruteqarnavianngitsoq. Tassunga atatillugu kommunimiit erseqqissarusupparput, akinik qaffaaqqinnissaq takornariaqarnermut navianartorsiortitsisussaammat, ullumikkummi Nunatsinni nunat immikkoortuinut allanut unammillerluarsinnaanngilaq Kujataanut Kujataaniillu bilitsit akii pissutigalugit.

Kujataani ilaasunik angallassineq

Kommunip iluarisimaarpaa Assartuussinermut isumalioqatigiissitap misissorniarmagu ilaasartaamik ilaasunut 35-40-nut naatsorsuusamik inissiinissamut periarfissat. Ilaasartaat taamaattoq Kujataani angallannermut pitsanngoriaataangaatsiassaaq, najugalinnik, nunaqarfinnut takornarissanillu kiffartuussinermut tunngatillugu kiisalu Kommune Kujallermi ataqatigiillualernissamut ilapittuutaasussaammat.

Allat

Ilaasunik angallassinermut atatillugu pissusissamisuuksaaq Itilliarsuup itinnerata ikerasanngortinneqarsinnaanerata aningaasatigut piffissamillu sipaarutaasinnaassusiata misissorneqarnissaa. Angallatinut ikerasaliat allat piukkunnarsinnaasut aamma misissorneqartariaqarput, soorlu Itilliatsiaq aamma Nyboeskanali.

Umiarsualiviit

Umiarsualivinnut tunngasut takorluukkani allaaserisami immannguaannaq allaaserineqarsimapput. Kommunimiit ersarissumik paasitikkusupparput, kommunini tamani minnerpaamik umiarsuarnut imarpikkoorutitut umiarsualiveqartariaqarnera, taamaalilluni pinngitsoortinneqassammat illoqarfiit avaqqutiinnarlugit nioqqutissanik Nuummumut assartuisoqartarnissaa, tassanngaaniillu usit niooqqariarlugit usilersuuteqqeriarlugillu illoqarfinnut assartuuteqqitarneqarnissaat. Kommune Kujallermiit inassutigineqarpoq nunap immikkoortuani umiarsualivik Narsamut inissinneqassasoq, umiarsualiviup allineqarnissaanut pilersaarutit malillugit illoqarfiit Kujataata avataaniittut kiffartuusinnaassavai, tamannalu Assartuussinermut isumalioqatigiissitanut isumaliutigeqqeqquneqarpoq.

Aqquserngit

Kommunip iluarisimaarutigalugu paasivaa Qaqortup Narsallu akornanni aamma Narsap Narsarsuullu akornanni aqquserngiornissat taaneqarsimaneri.

Naggataarutigalugu Kommunip iluarisimaarutigalugu taarusuppaa Assartuussinermut isumalioqatigiissitap siulittaasuata tikeraarnermini kommunimut tusarnaarusussimanera, taamaalillunilu attaveqatigiinnermi ajornartorsiutinik ullumikkut Kujataani atuuttunik uparuaanissamut periarfissinneqarsimanini.

Inussiarnersumik inuulluaqqusilluta

Kaj Egede
Angallanermut ataatsimiititaliap siulittaasua

Kalistat Lund
Inuussutissarsiornermut ataats. siulittaasua